



ԱՄԱՎԵՐՋՅԱՆ ՀԱՆԴԻՍՈՒԹՅՈՒՆ ՀՈԳԵՎՈՐ ՃԵՄԱՐԱՆՈՒՄ

Այս անգամ Մայր Աթոռ Սուրբ Էջմիածնի Հոգևոր Ճեմարանի ամսվերջի հանդեսը տեղի ունեցավ Վեհարանի հանդիսաւթյունների սրահում, հունիսի 27-ին, Ն. Ս. Օ. Տ. Տ. Գարեգին Ա. Ամենայն Հայոց Հայրապետի նախագահությամբ:

Գեղարվեստական հարուստ հայտագիրն սկսվեց Հայաստանի Հանրապետության երկրորդ և Հոգևոր Ճեմարանի ֆայլերգով: Ապա երգչախմբի կատարմամբ հնչեց Վ. Սարգսյանի «Անդրանիկին» երգը, հավարտ որի բացման խոսք ասաց հոգեշնորհ Տ. Կարապետ արքեպիսկոպոս Հարությունյանը:

Հոգևոր Ճեմարանի անցած երեսնամյա ուղուն էր նվիրված և լսարանի սան Հարություն Հարությունյանի բովանդակալից զեկուցումը:

Յուրահատուկ ուշադրության արժանացավ նաև Ջ լսարանի սան բարեշնորհ սարկավազ Տիգրան Սանսյանի՝ ողջ ուսանողության անունից ներկաներին ուղղված երախտիքի խոսքը:

Հոգևոր Ճեմարանի տարեկան հաշվետվության ամփոփ ներկայացմամբ հանդես եկավ տեսուչ հոգեշնորհ Տ. Հայկազուն Մ. վարդապետ Նաջարյանը: Հանգամանորեն ներկայացնելով վերջին մեկ տարում կատարված աշխատանքներն ու վերափոխումները, կրթօջախի գործունեությունն ընդարձակելու ծրագրերը, ինչպես նաև դրանց իրականացման ուղիները, Հայր Սուրբն ի մասնավորի նշեց. «Հայաստանի անկախությամբ այսօր մեզ տրվել է մի բացառիկ առիթ՝ անցյալի ավելի քան 80 տարվա վնասը հեռացնելու: Հայն առանց Հայ Առաքելական եկեղեցու ավանդությանց չի կարող գոյատևել: Մեզ մնում է վերգտնել, վերադաստիարակել մեր հարագատ ժողովրդին ճիշտ այնպես, ինչպես չորսորդ դարասկզբին Գրիգոր Լուսավորիչը սերմանեց քրիստոնեության սերմերը մեր ժողովրդի հոգու անդաստանի մեջ: Առանց Հայ Առաքելական եկեղեցվո ավանդությունների, մեր ժողովուրդը շատ հեշտությամբ կուլ կգնա օտար աղանդներին և կրոնական հոսանքներին՝ զրկվելով իր շուրջ 1700-ամյա ստեղծված յուրահատուկ դիմագծից, որը հատուկ է միայն հայ ժողովրդին: Զգիտեմ, թե այս ազատությունն ինչքան կտևի, բայց մեր պարտքն է գինել ժողովրդին իր բնիկ հոգևոր ամրություններով, որ կարողանա դիմանալ գալիք փորձություններին:

Որպեսզի պատրաստենք նշարիտ եկեղեցական, մեմֆ պարտավոր ենք ընտրել միայն և միայն լավից լավը, ինչպես Աբելը զոհաբերեց իր լավագույնն Աստծուն, մեմֆ ավելի նվազ զոհաբերություն տալու իրավունք չունենաք»:

Գրական-գեղարվեստական բաժնում ճեմարանի երգչախմբի կատարմամբ հնչեցին «Ով զարմանալի», «Այսօր ծայնն հայրակալն» շարականները, ինչպես նաև Հայդնի, Ա. Խաչատրյանի, Դ. Ղազարյանի, Մ. Եկմալյանի և Ա. Հարությունյանի ստեղծագործությունները, Հ. Թումանյանի, Դ. Վարուժանի բանաստեղծությունները: Սեփական ստեղծագործությունն ընթերցեց Գ լսարանի սան Սամվել Թորոսյանը:



ՄԻ ՊԱՀ ԱՄԱՎԵՐՋՅԱՆ ՀԱՆՐԱՍՈՒԹՅՈՒՆԻԾ

Հավարտ հանդիսության տեղի ունեցավ մրցանակարաշխություն: Ուսումնական տարվա ընթացքում աչքի ընկած սաներն արժանացան տեսչության կողմից սահմանված պարգևներին:

Վերջում ամենֆին իր հայրական պատգամն ու օրհնանքի խոսքը հղեց Ամենայն Հայոց Հայրապետը՝ շեշտելով, որ օրը նշանավորվում է հատկապես երկու իրողություններով. մախ Հայոց եկեղեցին տոնախմբում է «Արրոց թարգմանչացն մերոց Սահակայ և Մեսրոպայա» անմահ եկեղատակը և ապա՝ կատարում ձեմարանի ավարտական հանդիսության ավանդական արարողությունը: Նորին Արքունին այդ երկու իրադարձության միմյանց զուգադիպելը նկատեց ոչ թե պատահականություն, այլ իրար կապեց մեծ խորհրդով: Հայոց Հայրապետը հաստատության սաներին պատգամեց Ս. Մեսրոպի և Ս. Սահակի արժանի հետնորդները լինել, լուսավորվել նրանց հոգիներից ճառագող լույսով և ապա լուսավորել մյուսներին: Այնուհետև ավելացրեց, որ Հոգևոր ձեմարանի յուրաքանչյուր ուսանողի սրբազան պարտականությունն է մի փոքր այլ կերպ ընկալել արժակուրդը բառը: Արժակուրդ չի նշանակում մի կողմ թողնել գիր ու գրականություն և զբաղվել միայն առտնին կյանքով: Եթե այդպես վարվեմ, անշուշտ շատ բան կկորցնեմ: Խորիմաստ հոգևորական դառնալու նշմարիտ գրավականը մշտապես սովորելն է, անընդհատ ընթերցելը: «Թող գիրքը դառնա ձեր մշտական ու անշահախնդիր ուղեկիցը», իր խոսքի վերջում ասաց Վեհափառ Տերը:

Հոգևոր ձեմարանի ամավերջի հանդիսությունն ավարտվեց «Պատգամիչ»-ով և Տերունական աղոթքի երգեցողությամբ:

Մ. ՎԱՐԴԱՆԵԱՆ